



UNIVERSITÄTS-
BIBLIOTHEK
PADERBORN

Universitätsbibliothek Paderborn

**S. Avrelii Avgvstini Hipponensis Episcopi Et S. R. E.
Doctoris Vita**

Lancilottus, Corneille

Antverpiæ, 1616

Cap. XXXVI. Voce cælitus ad eum perlatâ, codicem Apostolicum legit.

urn:nbn:de:hbz:466:1-42857

*& cras? Quare non modò? quare non hac horâ
finis turpitudinis meæ? Grauitèr equidem
offendisse me Numen tuum confiteor: sed
nunc tantorum scelerum me pœnitet, pu-
det, pigetque. O qui potes, & soles, mise-
rere: & quid factò sit opus, significa.*

CAPVT XXXVI.

*Voce celitus ad eum perlatâ, codicem
Apostolicum legit.*

HANC in sententiam cùm plura dixisset, ac lacrymis effusè currentibus *amarissimâ cordis contritione* repletur; ecce vox quædam ad eum è domo vicinâ, tamquam cantantis pueri aut puellæ, sæpius *Tolle, lege. ingeminantis: Tolle, lege; tolle, lege: statimq;* mutato vultu intentissimus cogitare cœpit, num pueri in aliquo genere ludendi, cantare aliquid tale solerent; sed nihil eiusmodi occurrit. Neque enim pueri puellæque, vel alicuius hominis cantâtis hanc vocem fuisse putandum, sed Angelorum in aëre cantum, qui significaret aliquatenus eorum ineffabile gaudium, tanti viri ad Deum conuersione: maximè cùm iidem cælestes spiritus, etiam ob vnius peccatoris vulgaris pœnitentiam, in cælis gaudere dicantur. Hic autem imitantur Angeli vocem puerilem, quia reuerà similes pueris hi sunt, qui conli-

*Angelorū
de Augu-
stini con-
uersione
gaudium.*

consilium salutis negligunt capere, deque Hippocr.
 rebus serijs, vnde pendet æterna salus, nihil epist. ad
 certi statuunt: vt Augustinus in præsentia- Damageti
 rum, quoad vitæ delectum varius, incon-
 stans, nuncque hoc volens, nunc idem no-
 lens. Repetitur autem bis terque vox ea-
 dem, quod propter omnimodam animæ
 curam, & diuinam Maiestatem, quam se
 offendisse perpendebat Augustinus velut
 absens sibi, vix vnâ vice posset cæleste nun-
 tium animaduertere. Ideoque idem talem
 auditam vocem considerans, cum sibi di-
 uinitus oblatam arbitraretur, codicem
 Apostolicum arripere proponit, lecturus
 eum locum, qui primum occurreret, ac sibi
 quodcumque legisset applicandum, ratus.

In Aposto-
 lico codice
 quod primū
 occurreret,
 legere de-
 cernit.

Acceperat enim, vt supra retulimus, in
 hunc modum D. Antonium, recitanti cui-
 dam eum Euangelij locum; *Si vis perfectus* Matth. 19.
esse, vade, vende omnia quæ habes, & da pau-
peribus, & habebis thesaurum in cælis; & veni,
sequere me; forte superuenientem, tam-
 quam id vni sibi fuisset dictum, repente
 sæculum res suas habere iussisse. Itaque
 concito gradu redijt ad locum vbi sedebat
 Alipius: ibi enim posuerat codicem Apo-
 stoli, cum inde surrexerat. Eum arripit, ape-
 rit, & legit in silentio Capitulum, quod pri-
 mum coniecti sunt oculi: istam videlicet

Rom. 13. periodum: *Non in comessationibus & ebrietatibus, non in cubilibus & impudicijs, non in contentione & amulatione: sed induimini Dominum IESVM CHRISTVM, & carnis prouidentiam ne feceritis in concupiscentijs.*

CAPVT XXXVII.

Augustino tria religiosæ vitæ consilia diuinitus insinuantur.

Omnes circa vitæ institutū dubitationes Augustino euanescent.

SVBSTITIT hīc, nec vltiorem lectionem adhibuit: statim enim omnes illæ dubitationes ac perturbationes, quas adhuc circa vitæ institutum passus erat, velut fumi quidam confestim euanuere, ac quasi squamæ Paulinæ subito decidere. Facile namque poterat aduertere, sibi (velut & ceteris quibuscumque, sublimiorem in cælo mansionem per monasticam vitam affectantibus) Euangelicam hisce verbis perfectionem, tria que religiosæ vitæ consilia diuinitus commendari. Ac in primis paupertatem, quæ opum contemptrix est, omnemque intemperantiam auersatur, his verbis: *Honestè ambulemus, non in comessationibus & ebrietatibus.* Castitatem autem quæ aduersatur turpitudini, sequentibus verbis: *Non in cubilibus & impudicijs.* Obedientiam denique, quæ alteri cedit, atque morem in omnibus gerit, per hæc verba: *Non in con-*